



Efnahags- og viðskiptanefnd Alþingis
Nefndasvið Alþingis
nefndasvid@althingi.is

Reykjavík 8. febrúar 2021

Umsögn um: frumvarp til laga um breytingu á ýmsum lögum um skatta og gjöld (skattalegir hvatar fyrir lögaðila sem starfa til almannaheilla). Mál nr. 342/2020

Almannaheill, samtök þriðja geirans, hafa áður sent Alþingi umsögn um þetta mál og lýst stuðningi við það.

Almannaheill vilja þó bæta við umsögn sína áhyggjum sem samtökin hafa eftir nánari skoðun af einu ákvæði frumvarpsins—sem er reyndar ekki lítilvægt atriði heldur eitt af lykilatriðum frumvarpsins. Það snýst um hina takmarkandi skilgreiningu á starfsemi til almannaheilla sem fram kemur í 1. grein frumvarpsins og breytir efni 4. töluliðar 4. greinar tekjuskattslaga.

Með því að takmarka skattaívilnanir almannaheillasamtaka með upptalningu á tegundum starfsemi sem ívilnanirnar ná til er boðið heim hættunni um að mismunun á milli almannaheillamálefna eigi sér stað. Varla er hægt að gera ráð fyrir að slík upptalning, eins og sú sem kemur fram í frumvarpsgreininni og reyndar útfærð í greinargerð, geti verið tæmandi. Almannaheillamálefni eru misjafnlega áberandi og þau þróast og breytast með þróun samfélagsins.

Þannig virðast ýmis viðurkennd almannaheillasamtök falla milli skips og bryggju í þeirri upptalningu sem fram kemur í frumvarpinu. Óvíst er meira að segja að nokkur aðildarfélög Almannaheilla, sem þó byggja aðildarskilyrði sín á alþjóðlegum viðmiðunum, falli innan ramma frumvarpsins. Hvar er t.d. gert ráð fyrir réttindasamtökum, mannréttindasamtökum og umhverfissamtökum?

Skýrt hefur komið fram hjá fjármála- og efnahagsráðherra, flutningsmanns frumvarpsins, að því sé ætlað að auka skattaívilnanir en alls ekki að þrengja þær. Samt virðist hætta á að félög sem ekki hafa þurft að greiða tekjuskatt í ártugi standi nú skyndilega frammi fyrir því að þurfa að greiða skattinn. Það stríðir ekki aðeins gegn langri hefð heldur líka skattavenjum margra landa.

Þar sem með frumvarpinu er gert ráð fyrir að vísað verði í þessar skilgreiningu 4. töluliðar 4. greinar í ýmsum öðrum skattalögum er ennfremur hætta á að mörg almannaheillasamtök missi af þeim nýju skattaundanþágum og hvötum sem boðaðar eru í frumvarpinu, s.s. varðandi fjármagnstekjuskatt, stimpligjald, endurgreiðslu viðisaukaskatts af vinnu á byggingarstað og frádrætti frá skattskyldum tekjum einstaklinga og fyrirtækja vegna gjafa til almannaheillastarfs.



almannaheill

samtök þriðja geirans

Þau gætu meira að segja aftur orðið að greiða erfðafjárskatt af gjöfum sem þau hafa ekki greitt í nokkur ár vegna þess að nýja skilgreiningin nær ekki til þeirra en sú eldri, sem tók til félagasamtaka og sjálfseignarstofnana sem starfa að almannaheillum, gerði það.

Að mati Almannaheilla getur þetta ákvæði frumvarpsins skapað mismunum og skekkju í skattaumhverfi almannaheillasamtaka í landinu. Affarasælla væri að lögfesta opnara ákvæði, sem gerði samtökunum sjálfum skylt að sýna fram á, með framlagningu samþykktar, félagslaga og starfsskýrslna, um leið og þau leituðu skráningar í almannaheillafélagaskrá, að starfsemi þeirra væri í eðli sínu almannaheillastarf og uppfyllti allar aðrar kröfur skattalaga um óhagnaðardrifna starfsemi.

Almannaheill óska því eftir að efnahags- og viðskiptanefnd endurskoði þetta ákvæði áður en frumvarpið kemur til 2. umræðu á Alþingi.

f.h. Almannaheilla, samtaka þriðja geirans

Jónas Guðmundsson formaður



almannaheill
samtök bríðia deirans

Aðildarfélög Almannaheilla eru:

| | |
|---|---|
| <u>ADHD samtökin</u> | <u>Kvenréttindafélag Íslands</u> |
| <u>Bandalag íslenskra skáta</u> | <u>Landvernd</u> |
| <u>Barnaheill</u> | <u>Landssamband eldri borgara</u> |
| <u>Blindrafélagið</u> | <u>Landssamtökin Geðhiálp</u> |
| <u>Einstök börn</u> | <u>Landssamtökin Þroskahjálp</u> |
| <u>Félag íslenskra bifreiðaeigenda (FÍB)</u> | <u>Neytendasamtökin</u> |
| <u>Félag lesblindra</u> | <u>Norræna félagið</u> |
| <u>Félagið Álfur</u> | <u>Móðurmál – samtök um tvítvngi</u> |
| <u>FRÆ Fræðsla og forvarnir</u> | <u>SÁÁ – Samtök áhugafólks um áfengis- og vímuefnavandann</u> |
| <u>Gróður fyrir fólk í landnámi Ingólfs</u> | <u>Samtök sparifiáreigenda</u> |
| <u>IOGT á Íslandi</u> | <u>SOS barnabörpin</u> |
| <u>Heimili og skóli</u> | <u>Styrktarfélag krabbameinssjúkra barna</u> |
| <u>Hiartavernd</u> | <u>Styrktarfélag lamaðra og fatlaðra</u> |
| <u>Hiálparstarf Kirkjunnar</u> | <u>Ungmennafélag Íslands – UMFÍ</u> |
| <u>Krabbameinsfélagið</u> | <u>Umhvaqja</u> |
| <u>Kraftur, stuðningsfélag fyrir ungt fólk sem greinst hefur með krabbamein og aðstandendur</u> | Vímulaus æska |
| <u>Kvenfélagasamband Íslands</u> | <u>Öryrkiabandalag Íslands</u> |
| | |